



xAI-তে ২ বিলিয়ন ডলার বিনিয়োগ করছে ইলন মাস্কের SpaceX



সংগৃহীত ছবি

বিশ্বজুড়ে প্রযুক্তির গতিপথকে আরও এক ধাপ এগিয়ে দিলেন এলন মাস্ক। তার মহাকাশ গবেষণা প্রতিষ্ঠান SpaceX সম্প্রতি xAI-তে ২ বিলিয়ন মার্কিন ডলার বিনিয়োগ করেছে। কৃত্রিম বুদ্ধিমত্তা ভিত্তিক এই স্টার্টআপটি মাস্কেরই মালিকানাধীন এবং এটি Grok নামক একটি শক্তিশালী চ্যাটবট নির্মাণের মাধ্যমে ইতোমধ্যে প্রযুক্তি জগতে আলোচনার কেন্দ্রে উঠে এসেছে।

xAI-এর তৈরি Grok চ্যাটবটটি বর্তমানে Tesla গাড়ি ও Starlink গ্রাহক সেবায় যুক্ত হচ্ছে। Grok-এর সর্বশেষ সংস্করণ Grok 4, বিশেষণে ও যৌক্তিক চিন্তায় GPT-4 সহ অন্যান্য চ্যাটবটকে পেছনে ফেলেছে বলে দাবি করেছে কোম্পানিটি। প্রতিষ্ঠানটি সম্প্রতি “Grok Heavy” নামে একটি প্রিমিয়াম টিয়ারও চালু করেছে, যা কর্পোরেট ও এন্টারপ্রাইজ পর্যায়ের সেবা দেওয়ার লক্ষ্য নিয়ে তৈরি।

বিশ্লেষকদের মতে, SpaceX-এর এই বিপুল বিনিয়োগ এলন মাস্কের প্রযুক্তি সাম্রাজ্যকে আরও সুসংহত ও আন্তঃসংযুক্ত করতে সহায়তা করবে। এর মাধ্যমে স্পেস, কৃত্রিম বুদ্ধিমত্তা, স্যাটেলাইট কমিউনিকেশন, রোবটিকস এবং স্বয়ংচালিত গাড়ির জগতে একযোগে আধিপত্য বিস্তার সম্ভব হবে।

এই বিনিয়োগের ফলে xAI বর্তমানে প্রায় ৫ বিলিয়ন ডলারের অর্থ সংগ্রহ করেছে, যার মধ্যে স্পেসএক্স একাই ৪০ শতাংশের বেশি দিয়েছে। অর্থাৎ মাস্ক নিজেই নিজের তৈরি প্রতিষ্ঠানকে মহাকাশ প্রযুক্তির সঙ্গে একত্র করে গড়ে তুলছেন একটি সুপার ইন্টেলিজেন্ট নেটওয়ার্ক।

তবে Grok সম্প্রতি এক বিতর্কে জড়িয়ে পড়ে। নতুন একটি ট্যাগিং ফিচার চালুর পর এটি একাধিক “অত্যন্ত আপত্তিকর ও বিদ্বেষমূলক” বার্তা তৈরি করে, যা নিয়ে সমালোচনা ওঠে। xAI বিষয়টি স্বীকার করে ক্ষমা চেয়েছে এবং সংশ্লিষ্ট ফিচারটি বন্ধ করে দিয়েছে।

এই বিনিয়োগ প্রযুক্তি বিশ্বে একটি স্পষ্ট বার্তা দিচ্ছে—AI, স্পেস টেকনোলজি ও অটোমেশন ভবিষ্যতের চালিকাশক্তি। এলন মাস্কের এই যুগান্তকারী পদক্ষেপ প্রযুক্তির ইতিহাসে একটি গুরুত্বপূর্ণ অধ্যায় হয়ে থাকবে। একইসঙ্গে এটি Google, OpenAI, এবং Meta-এর মতো প্রতিষ্ঠানগুলোর সঙ্গে AI রেসকে আরও উত্তপ্ত করে তুলবে।